



Broj: 03-47-5-575-5/17VT  
Banja Luka, 20.10.2017. godine

Institut za intelektualno vlasništvo Bosne i Hercegovine (u daljem tekstu: Institut), na osnovu člana 13. stav (1) Zakona o kolektivnom ostvarivanju autorskog i srodnih prava („Službeni glasnik BiH“, br. 63/10; u daljem tekstu: Zakon), a u vezi sa članom 12. Zakona, nakon provedenog nadzora nad radom Asocijacije kompozitora-muzičkih stvaralaca „AMUS“, Trg solidarnosti 2a, Sarajevo, d o n o s i

**R J E Š E N J E**  
**o nalaganju mjera za otklanjanje nepravilnosti u radu**

1. **NALAŽE SE** Asocijaciji kompozitora-muzičkih stvaralaca (AMUS) iz Sarajeva, provođenje mjera za otklanjanje nepravilnosti u radu, i to:

- izvršiti izmjene i dopune Pravilnika o platama, dodacima i naknadama plate zaposlenim i njegovo usklađivanje sa Zakonom o radu u institucijama Bosne i Hercegovine, te usklađivanje Ugovora o radu svih zaposlenih sa navedenim zakonom i pravilnikom.

2. Rok za otklanjanje navedenih nepravilnosti pod tačkom 1. ovog rješenja je **6 mjeseci** od dana prijema rješenja.

4. U protivnom, Institut će pokrenuti postupak saglasno članu 14. Zakona o kolektivnom ostvarivanju autorskog i srodnih prava.

5. Ovo rješenje stupa na snagu danom donošenja.

**O b r a z l o ž e n j e**

**I Tok postupka**

Postupajući po službenoj dužnosti, na osnovu člana 12. Zakona o kolektivnom ostvarivanju autorskog i srodnih prava („Službeni glasnik BiH“ br. 63/10; u daljem tekstu: Zakon), Institut za intelektualno vlasništvo BiH je dostavio Asocijaciji kompozitora-muzičkih stvaralaca „AMUS“ (u daljem tekstu: AMUS), dopis br. 03-47-5-538/17VT od 05.09.2016. godine, kojim se obaviještavaju da će nadležni službenici Instituta za intelektualno vlasništvo BiH, počev od 20.09.2017. godine, obaviti nadzor nad radom i izvršiti uvid u poslovne knjige i drugu poslovnu dokumentaciju kolektivne organizacije u službenim prostorijama AMUS-a.

Institut je izvršio nadzor nad radom AMUS-a za 2016. godinu i usklađenost poslovanja sa zakonima i dr. relevantnim propisima, u peridu od 20. do 21.09.2017. godine, o čemu je sačinjen zapisnik o izvršenom nadzoru.

U postupku nadzora nad radom AMUS-a, službenici Instituta su kontrolisali opšte i pojedinačne akte organizacije, pravilnike, kolektivne ugovore sa udruženjima korisnika, tarife i svaku njihovu izmjenu i dopunu, ugovore sa stranim kolektivnim organizacijama, odluke Upravnog odbora i Skupštine kolektivne organizacije, interne akte organizacije i dr. relevantnu dokumentaciju. Izvršena je i kontrola finansijskog poslovanja AMUS-a, u okviru koje je kontrolisana glava knjiga (analitička i sintetička) kao i svi finansijski dokumenti koji su sastavni dio finansijskog poslovanja AMUS-a.

Institut za intelektualno vlasništvo BiH je sačinio nacrt Izvještaja o nadzoru nad radom Asocijacije kompozitora-muzičkih stvaralaca (AMUS) za 2016. godinu, koji je dostavljen na očitovanje AMUS-u, u roku od 15 dana od dana prijema nacrta Izvještaja. AMUS je zaprimio nacrt Izvještaja dana 01.10.2017. godine.

AMUS je u ostavljenom roku, dana 11.10.2017. godine, dostavio Institutu očitovanje na nacrt Izvještaja o izvršenom nadzoru nad radom AMUS-a za 2016. godinu. Nakon preispitivanja navoda iz očitovanja AMUS-a na nacrt Izvještaja, Institut je sačinio konačni Izvještaj o nadzoru nad radom AMUS-a za 2016. godinu.

## II Utvrđeno činjenično stanje

U postupku nadzora na radom kolektivne organizacije službenici Instituta su kontrolisali i interne akte organizacije i to: Pravilnik o unutrašnjoj organizaciji i sistematizaciji radnih mesta, Pravilnik o platama, dodacima i naknadama plate zaposlenim, te Ugovore o radu zaposlenika u Stručnoj službi AMUS-a.

Analizom je utvrđeno da Pravilnik o platama, dodacima i naknadama plate zaposlenim nije usklađen sa Zakonom o radu u institucijama Bosne i Hercegovine, u dijelu koji se odnosi na obračun plate, kako je utvrđeno članom 48. stav (2) navedenog Zakona. Takođe, utvrđeno je da Ugovori o radu nisu usklađeni sa Zakonom i Pravilnikom.

Prilikom kontrole plata u 2016. godini, ustanovljeno je da se plata isplaćivala prema ugovorenom neto iznosu, tj. plata je regulisana između AMUS-a i zaposlenika Ugovorom o radu. Uz neto platu se isplaćuje minuli rad zaposlenom, kao i pripadajući porezi i doprinosi. Skupština AMUS-a je 15.02.2016. godine usvojila „Pravilnik o platama, dodacima i naknadama plate zaposlenim“. U članku 4. navedenog pravilnika je definisano, između ostalog, da plata zavisi o koeficijentu za obračun plate i osnovici za obračun plate. Koeficijent je definisan u članu 10. navedenog pravilnika, dok osnovica nije definisana.

Pravilnikom je regulisano da se iznos plate dobije na način da se osnovica za obračun plaće množi sa koeficijentom, te se neto plata uveća za minuli rad zaposlenog. Iz navedenog proizlazi da se za isti ili sličan posao određuje isti koeficijent za obračun plate.

Nadzorom je utvrđeno da se na platnim listama ne prikazuje koeficijent za obračun plate, kao ni osnovica za obračun plate, već se na platnoj listi prikazuje neto plata koja je definirana Ugovorom o radu, što je u suprotnosti sa Zakonom o radu u institucijama BiH i usvojenim pravilnikom.

Na osnovu naprijed iznesenog, u skladu sa članom 13. Zakona, odlučeno je kao u dispozitivu ovog rješenja.

**Pouka o pravnom lijeku:** Ovo rješenje je konačno u upravnom postupku. Protiv ovog rješenja može se pokrenuti upravni spor, podnošenjem tužbe Sudu Bosne i Hercegovine u roku od 60 dana prijema rješenja.

DOSTAVLJENO:

- naslovu
- a/a

